

## ՀԱՇՎԵՏՎՈՒԹՅՈՒՆ

1. Անունը ազգանունը՝ Վահե Գրիգորյան
2. Զբաղեցրած պաշտոնը՝ ՀՀ կառավարության ենթակա միջուկային անվտանգության կարգավորման կոմիտեի նախագահի տեղակալ
3. Գործուղման վայրը/ժամկետը՝ Մոսկվա, Ռուսաստանի Դաշնություն, 2022 թ. ապրիլի 19-21
4. Հրավիրող կողմը՝ ԱՊՀ մասնակից պետությունների ատոմային էներգիայի խաղաղ օգտագործման հարցերով հանձնաժողով
5. Գործուղման նպատակը՝ Մասնակցել ԱՊՀ մասնակից պետությունների ատոմային էներգիայի խաղաղ օգտագործման հարցերով հանձնաժողովի շրջանակներում գործող ճառագայթային մոնիթորինգի աշխատանքային խմբի առաջին հանդիպմանը
6. Քննարկված թեմաները – Հանդիպման ընթացքում քննարկվել են.
  - ԱՊՀ մասնակից պետությունների միջև ճառագայթային մոնիթորինգի տեղեկատվության փոխանակման համաձայնագրի նախագծի վերաբերյալ առաջարկությունները:
  - ԱՊՀ մասնակից պետությունների միջև ճառագայթային մոնիթորինգի տեղեկատվության փոխանակման ծավալները և պայմանները:
  - ԱՊՀ մասնակից պետությունների միջև ճառագայթային մոնիթորինգի համատեղ համակարգի (տվյալների հասանելիության մասով) հնարավորությունը:
  - ԱՊՀ մասնակից պետությունների միջև ճառագայթային մոնիթորինգի տեղեկատվության փոխանակման համաձայնագրի նախագծի (այսուհետ՝ համաձայնագիր) համատեղ ընդունելի տարբերակը:
7. Հանդիպումներ, ելույթներ, բարձրացված կամ քննարկված հարցեր  
ԱՊՀ մասնակից պետությունների ատոմային էներգիայի խաղաղ օգտագործման հարցերով հանձնաժողովի շրջանակներում գործող ճառագայթային մոնիթորինգի աշխատանքային խմբի առաջին հանդիպմանը քննարկվեցին համաձայնագրի նախագծի վերաբերյալ մասնակից պետությունների դիտողություններն ու առաջարկությունները:  
ՀՀ կողմից հատուկ ուշադրության հրավիրվեց ատոմային էլեկտրակայանի հսկման գոտում ճառագայթային մոնիթորինգի արդյունքները զգայուն տեղեկատվություն լինելու հանգամանքը:  
ՀՀ առաջարկությամբ քննարկվեց նաև փոխանակվող տեղեկատվությունը երրորդ կողմին փոխանցելու անհրաժեշտությունը, պայմանները և նպատակը:  
Քննարկվեցին նաև փոխանակվող տեղեկատվության ընդհանուր օգտագործման պորտալի ստեղծման և շահագործման, տեղեկատվության արխիվացման և բոլոր մասնակից պետություններին հասանելիության հարցերը:

Ելույթով հանդես եկա ներկայացնելով ՀՀ միջուկային անվտանգության կարգավորման կոմիտեի կողմից ՀՀ ճառագայթային մոնիթորինգի իրականացման գործընթացը:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Որոշվեց համաձայնագրի տեքստում կատարել լրացում, որ համաձայնագիրը չի տարածվում միջուկային տեղակայանքների հսկման գոտում իրականացվող ճառագայթային մոնիթորինգի չափման արդյունքների վրա:

Որոշվեց ճառագայթային մոնիթորինգի տեղեկատվության փոխանակման ծավալները և պայմանները հստակեցնել մշակվող աշխատակարգում:

Որոշվեց բացառել փոխանակված տեղեկատվությունը երրորդ կողմին փոխանցելու հնարավորությունը կամ հստակեցնել բացառությունները՝ օրինակ գիտական հոդվածներում օգտագործում և հրատարակում, որոնց դեպքում տեղեկատվության փոխանցումը ընդունելի կլինի համաձայնագրի կողմ հանդիսացող պետություններին:

Որոշվեց, վերանայել համաձայնագրի նախագիծը ներկայացված և քննարկված առաջարկությունների և դիտողությունների հիման վրա և վերանայված նախագիծը ներկայացնել աշխատանքային խմբի անդամների դիտարկմանը:

Աշխատանքային խմբի դիտարկումից, առաջարկությունների և դիտողությունների վերացումից (առկայության դեպքում) հետո ներկայացնել ԱՊՀ մասնակից պետություններին դիտարկման:

Հանդիպման արդյունքներն ամփոփվել են արձանագրությամբ, հանդիպման ընթացքում փաստաթղթեր չեն ստորագրվել:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները

Շարունակել համաձայնագրի նախագծի մշակման աշխատանքները:

Համաձայնագրի հիման վրա տեղեկատվության փոխանակումը հնարավորություն կտա Հայաստանի Հանրապետությանը տնօրինել ավելի լայն տարածքների ճառագայթային մոնիթորինգի տվյալների, որն իր հերթին հնարավորություն կտա մոդելավորել և կանխատեսել միջուկային և ճառագայթային վթարների (ՀՀ դուրս) դեպքում դրանց հետևանքների ազդեցությունը ՀՀ բնության և բնակչության վրա: Սույն հարցը առավել արդիական է դառնում ասիական, միջին ասիական և արաբական երկրների կողմից ԱԷԿ կառուցման պլանների օրեցօր ավելացման, ինչպես նաև ներկա ռազմաքաղաքական իրավիճակի պայմաններում:

Վահե Գրիգորյան  
22/04/2022թ.